

Landesbibliothek Oldenburg

Digitalisierung von Drucken

**Georgii Beyeri, J.U.D. De Utili & Necessaria Autorum
Juridicorum Et Juris arti inservientium Notitia
Schediasma, exhibens Indicem Autorum quos Tribus
Speciminibus recitavit & excerpsit**

Beyer, Georg

Lipsiae, 1720

VD18 90548167

Widmung

urn:nbn:de:gbv:45:1-14273

ILLUSTRI atq; MAGNIFICO
DN. HENRICO
COCCEJO,
JCTO PRISCIS ÆQUIPARANDO,
post laudatissimè gesta
Supremi Consilii Status
ELECTORALIS PALATINI
& Collegii Revisorii
ASSESSORIS,
atq; in antiquissima HEIDELBERGENSI
Decretalium, Pandectar. & Juris Gentium
PROFESSORIS P.

Munera

jam

SERENISS. & POTENTISS.
ELECT. BRANDENBURG.
CONSILIARIO,
FACULTATIS JURIDICÆ IN ALMA
VIADRINA
ORDINARIO

&

ANTECESSORI PRIMARIO,
Patrono suo omni observantia colendo
S. D. P.

GEORG. Beyer, D.

Permitte, VIR ILLUSTRIS, ut qua-
cunq; potius arrepta occasione devotam
mentem testatam TIBI faciam, quam
de non
):(

de non satis bene collocata benignitate TUA
 singulari suspicionem præbeam. Tantus est,
 quo me complecteris, favor, cui demerendo
 perpetua obsequia non sufficiunt; sed longe
 major, quippe nullis obstructis simi animi docu-
 mentis hucusq; provocatus. Absit vero, ut o-
 pella hujus, quam nullius vel laboris, vel judi-
 cii, neq; pretii alicujus esse fateor, dedicatione
 TIBI molestus sim; alia & majora requirun-
 tur ILLUSTRi TUO NOMINI consecran-
 da. Absit, ut Tutelæ TUÆ hoc schediaσμα
 commendare ausim; potiora sunt, quibus in
 salutem publicam, in oppressorum tutamen, in
 commodum formandæ ad Reipubl. administra-
 tionem Juventutis occuparis, quibus quisqui-
 liarum mearum curam ut immisceas, præten-
 dere ineptum esset & arrogans; neque tanta
 protectione indigent hæc pagina quarum autor
 cum adversariis, si qui futuri sint, lubens
 transigit, errores emendare, defectus sup-
 plere, de bene dictis rationem reddere para-
 tus, cæterum cuius sentiendi libertatem in-
 tegram esse jubens. Bibliothecam exhibeo A-
 cademicam, apicibus quidem omnibus perve-
 stigandis non sufficientem, nec tamen in vul-
 garis fori tritura instrumentis hærentem,
 sed studii nostri partibus & subsidiis neces-
 sariis absolvendis & conquirendis inservien-
 tem

*rem. Qua subjeci Autorum nonnullorum
 excerpta & de quibusdam judicia, ea dis-
 sentientem ferre omnino possunt, cum con-
 sensum eruditorum hac parte non magis spe-
 rare liceat, quam a pluribus convivis con-
 formem ejusdem ferculi gustum. Calumnias
 denique non metuo; quid enim metuam,
 quod Autori suo, non mihi, detrahit; & quis
 in me torqueret maledica linguæ spicula,
 qui mecum habito, nemini invideo, omnes
 fero, sinistra judicia, nisi ratione nitantur,
 susq; deque habeo, nec, licet aliquando pos-
 sem, par pari rependo, monita vero amica
 & sincera grato animo excipio, & de verita-
 te utili reperta aliis non minus ac mihi gra-
 tular. Volui vero opusculo huic præscri-
 ptum extare tantisper devoti cordis an men-
 tis? utriusque, si placet Philosophis, mo-
 numentum, donec meliora, TUOQUE NO-
 MINE digniora proferre annuente NUMI-
 NE liceat. Interim, VIR ILLUSTRIS,
 conserva benignam in me propensionem, ne-
 que dubita, eam stimulos mihi superadditu-
 ram, allaborandi, ut, si non ingenii, non
 eruditionis laude; cultu tamen TUI since-
 ro, & qui Clientem decet, talem TIBI me
 probem, in quem collocata Benignitas nun-
 quam peritura sit, quique sollicite caveat,
 ne*



ne eo, quod absque merito obtinuit, ex merito iterum excidat. Quod si vero concatenatis TUIS pro egregio publico laboribus oculos subtrahere & nostris schedis commodare dignatus fueris, ut quæ TUA sit de hoc instituto & tractandi modo sententia, quæ emendanda supplendaque visa fuerint communices, oro. Ex ILLUSTRIS enim COCCEJO discere, EJUSQUE monitis instrui & in studiosæ juventutis commodum formari exopto. DEUS TE salutis publicæ, ornamento orbis eruditi, incremento Alma Viadrinæ, Præsidioque Tuorum per longam annorum seriem jubeat esse superstitem omnique gloriæ felicitatis cumulo affluentem.

Per script. ex Museo, Lips. III.
Calend. Augusti A. R. S.
M. DC IIC.

In ore



IN ore plerorumque versatur & in com-
mune proverbium jam pridem abiit :
nosse bonos autores magnam partem esse
eruditionis , & notitiam librorum esse par-
tem historiae nulli eruditorum pretermitt-
tendam qui causas & Instrumenta erudi-
tionis cognoscere cupit. Et utilitas quidem hujus
notitiæ per omnia studiorum genera ita elucet, ut
nemo eam in dubium vocare audeat. Necessitas
vero pro diversis studiis diversos obtinet gradus :
quanto enim magis fundamenta disciplinæ ex au-
toritate dependent, tanto magis necessaria est li-
brorum eam continentium vel subsidia suppedit-
antium notitia. Ergo Philosophia naturalis &
rationalis, quæ omnem autoritatem respuunt, mi-
nus opus habent libris; ex quibus tamen multum
subsidii petitur, cum lectio præparet meditatio-
nem & veritates ab aliis perscriptæ nos confirmet,
errores eorum cautiore nos reddant & iudicium
excitent. Idem dicendum de Medicina tanquam
parte scientiæ naturalis. Historia vero, Genea-
logia & Chronologia tota ex autoritate & monu-
mentis aliorum requirenda est. Theologia plane
auctoritate nititur: cœcutit enim homo naturalis

